



KiBe Emmental



KiBe-Lager Bäregg

22. – 29. Juli 2023



MIT DABEI WAREN...

MÜED ABER FIT

Rahel

Andreas

Luca

Julia

Yana

Melwin

Silja

Salome

Hirsbrunner

Fankhauser

Moser

Eicher

Röthlisberger

Sommer

Frautschi

Hirsbrunner

ALLEZ FÄTZE

Adrian

Adrian

Naja

Alina

Jana

Jana

Aimo

Kilian

Bachmann

Bohnenblust

Mathys

Moser

Meister

Eicher

Röthenmund

Bläsi

RICHI HÄBDI

Maria

Hans

Kira

Lorin

Daniel

Tim

Finja

Dario

von Wyl

von Wyl

Möller

Mathys

Gasser

Bachmann

Marty

Krähenbühl

NIÄMÄR

Ruedi

David

Severin

Hannah

Thomas

Romina

Fabio

Yolanda

Wüthrich

Wyrsh

Bläsi

Kraaz

Reinhard

Gasser

Bachmann

Marty

SPRINGER UND KÜCHE

Martin

Marina

Aila

Franzsika

Leandra

Nico

Martina

Moritz

Karin

Reber

Kobel

Kobel

Bachmann

Bachmann

Bachmann

Steiner

Steiner

Wüthrich

JOKER

Rebekka

Claudia

Walther

Beutler



Dr erst Tag

Zerscht si mir vom Grimsupass ufe it Hütte gloffe und si när diräkt ga chlättärä, wös di ganzi Wuche ni so schöns Wättter isch. Mir si i Marlon gange und dr Kilian het z erste mau t Foccacia gschaft und isch sehr stouz gsi. T Naja und dr Aimo heis o probiert aber si si klägglech gschitteret aber dr Aimo isch witter cho aus t Naja. Ds isch aber nid pinlech, wüls dr Adi o nid het gschafft. Zum Znacht hets wie immer Pastapolones gä. Es het gmundet.



Dr zwöit Tag

Mir si am Morge am viertu ab sibni mitem Örgeli vor Karin gweckt worde. Nachem Zmorge hez du gheisse dass mir wägem schlächte Wätter es Inneprogramm hei. D Leiter hei vier verschideni Pöschte zu vier verschidene Theme vorbereitet. Bi dene Pöschte hei mir öppis über ersti Hiuf, Materiau wome zum bergstige brucht, Charte und Wätter gleert, zwüschedüre wenns schöns Wätter gää het simer no a Hüttefeus ga chlättärä. Speter hei mir no bir Hütte vorusse no güebt säuber abseile und säubschtufstig güebt. Zum Znacht hets Riz Casimir gää. Mir hei no e nöii Ping-Pong Variante erfunge: Amerikanisches Ping-Pong, ds heisst Ping-Pong mitem Prinzip vom Amerikanische Sitzbau.





Tourenbericht Dienstag – Müed aber Fit

Spät geweckt worde simmer scho mau um 30 Minutä, wüus zfest het afa chutä.

Trotzdäm si mir no nid fräsch, aber z Zmorgä steit scho ready ufem Tisch.

Obwou mir sehr schnäu hei packt, isch z Wätter no meh abkackt.

D Heufti het no wöuä pfusä, u glich si mir när usä.

Ts Chartäläse het nid so funktioniert wie gewollt, derfür si keni Steinä achä grout.

Gli si mir im Züg obä gsi, u d Leiter hei sogar no aui Teilnähmer derbi.

Sofort hei mir z Rägätarp ufbout, vili hei däm nid so vertraut.

Mir hei afa chlättärä, ir Hoffnig dr Petrus faht nid afa wättärä.

Es par Exä meh ighänkt, het üs chauti Finger gschänkt.

Finmotorisch igschränkt z Top erreicht, het dr Luca dr Bärg abä gseicht.

Dr Rägä het üs glich no verwütscht, sie mir aui unger d Blachä grütscht.

Bis iz isches es fänomenaus Gedicht, aber dr nächst Satz vom Melwin isch ä Schiss ids
Gsicht.

Mini Gruppämitedglieder si ungloublech inkompetänt, wüu für nä verständlächä Dialäkt
hets doch nid glängt.

Item.

Während däm mir aui afang si abghouä, het dr Resu d Blachä abbouä.

Nachdäm d Yana het dr Bodä küsst, hei mir d Hütä z schetzä gwüsst.

Vorem Boulder ar Hüttawang, steit z Ässä ufem erstä Rang.

D Salome bringt goofy Witzä, aber zwe Meter Boulder bringä sie ids schwitzä.

Tinu het sech dr Finger verchläbt, u het ghofft das es so besser häbt.

Z Wätter wie pickt, u d Leiter hei üs glich uf d Slackline gschickt.

Die meistä hei d Balance nid gfunge, ar Julia ischs eifach glungä.

Müed aber Fit, üsä Touräbricht isch ä Hit!



Niämär isch ufem Gletscher gsi

Nach em Zmorge hei mir d Schtigisä u d Picklä gfassät und si när richtig Oberaargletscher glüffä.

Mir hei de bim Monschterstei ungerem Schantzätisch ä chlini Pousä gmacht u no 5 Steiböck gseh.

Bim Monschterstei isch när no d Gruppä Richi häbdi dr zue gstossä. U när si mir bis zum Gletscher glüffä u dert hei mir Zmittag gässä.

Nach äm Zmittag hei mir d Schtigisä agleit u hei Seuschaftä biudet u si nächär i de Seuschaftä zumänä Platz ufem Gletscher wo Tinu und Dävu öppis zum Ischchlättere i grichtet hei. Dert hei mir när d Zit uf em Gletscher verbracht.

Am 4i si mir de müed afa zrügg louffä u si um di 6i bir Hüttä acho. U hei de d Schtigisä u d Pickle wider abgä.

Üs aunä hets ufem Gletscher mega gfauä ☺





Tourenbericht vom Donnschti 27.7.23

Am Morge isch ä tiu vo üs id Chuchi ga häufe Zmorge mache där Räst isch vom Örgeli gweckt wordä. U scho gli si mir ufgschtangä u ga Zmorgä näh. Mir hei üs zwäg gmacht u si richtig Seeblick gloffä. Dert hei mir Mehrseillänginä klätärät d giele hei zur Hütte wöue ga Seilbähndele u Theater übä. Um di 11ä hei mir z`chaut gha u si richtig Yosemite gloffe. Ufem Wäg dert häre si mir z`höch i gspuret, dür das hei mir lenger gha. Du de när glich acho hei mir Zmittag gässä und ä lengäri Pousä gmacht, nach derä hei mir verschidni Route usprobiert, u si a eim Seil z zwöite kläteret und äs isch sehr luschtig gsi. Mir si 16:47 Uhr los glofä zur Bäregg. Äm haubi 6i hei mir üs ufä Wäg gmacht für dusä Äuplermagaronä z ässä. Nachäm ässä hei mir äm grossä Stei bulderet u hei äs paar luschtigi Artä vo buldärä usägfungä. U iz si mir am Tourenbericht scribe ☺.



Tourenbericht Müed aber Fit



Wo föhmer ah? („sicher nid bim Theater“ Zitat: Melwin, Luca): Am morgue vor üsere tour is Fieschertau heimer uf üse Wecker gwartet, wo üs hätt as früecher ufstah söue erinnere. Nachem Zmorgue wo o scho e haub Stung früecher für üs bereit isch gstange heimer üses Züg Pack und si is Kraftfahrzeug ghüpft. Über d Schotterpischte ufd Grimsu-Passhöchi, witer in Goms hätt d Salome wöue Theaterideä sammlä. Bi dem ganze isch soviu zemecho wi Böim oberder Boumgränze. Im Fieschertau aacho und säubstbewusst dürs Fahrverbot gröuelet, het Resu no sis Bedürfniss nach offroad usgläbt. Z drunger lidende Mietouto hettme schlussendlech quauvou müesse Wände bevormes ner ufemne „pArKpLatZ“ im Gjat zrügglah hett (Wait until the end). Gmüetlech wine Grossfamilie simer zwüsche t-Rex u Bodesuri us Drüschichtplatte (27mm), dr Dino-Erläbnisswäg entlang tschäuperlet. Nachdem o d Jungs

fertig si gsi mit rätsle, ob di Dinos üs würde Frässe oder nid, simer ono ufemne Bärgwäg aacho. I der eZit isch dr Resu nid weniger Säubstbewusst worde und hettis zusträbig dr Hügu ufe gfuehrt. D Unsicherheit hetter aber schlächt chönne verstecke und glii drufabe ischer eighändig nomau ga besichtige, wo das de genau üsi Mehrseillänge würde starte.

Iigstige, es paar Stäng/ Armierigsise troffe, und obe aacho hei es paar ihrne Füess Freiheit ufem Bärgwäg gönnt. Mir würde vo üs iz nid behoupte dasmer so schrecklech usgseh, aber chuüm simer ir Hütte gsi hett, anschiinend d Huswirtschaftlehrerin vor Julia, z Cake vom Baukon blase. Es bitzli vorher heimer vor Huuswirtschaftslehrerin mitübercho, das üs dr Bärgführer Tinu aus Knöischperlis agmäudet het. Nachdäm heimer no a churzi Planig fürä nächst Tag gmacht u beschlossä dasmir bis am haubi ahti usschlafä. Tomatensuppe, Salat, Sheperd Pie, u chly Öpufstrudu mit Vanillesauce, isch üses Znacht gsi. Jedoch hetsich d Östricherin chly i üsere Magägrössi verkalkuliert und am zmorgä drfür M&M's u Balisto gschächt. Dr Abä heimer mit es paar Spieli la usklingä. Zäng hetmä mit brosse a dents a l'abricot avec Peach vor Silja putzt. Nachem Zmorgä heimer üs ufä Wäg id Chlättergartä gmacht. Vorem Chlätterä heimer d Rucksäck id Sicherheit bracht, Luca u Melwin hei nachemä misslungenä Experiment d Schuhä idä Äst versänkt. U när hei si sich imä frisiertä 5b → 6a beschäftigt u no zwöi churzi Seilenginä gmacht. Dr Räst het sich mit Mehrseillänginä beschäftigt. Wemä dobä isch muessmä ja bekanntlich wieder abä u das isch ar Salome u Julia chly zum verhängnis wordä. Da si idä Chlätterschuhä unterwägs si gsi. Scho gli isch de wieder Zit fürä Abstieg gsi. Bi üsem Fahrzeug isch uf dr Windschutzschiebä es hübsches Zetteli mitämä QR-Code gsi. Es hetsich nid um Wärbig ghandlet, sondern umes „Parkbüessli“. Chum siemer im Auto gsi, het üs d Realität konfrontiert, z Theater. Mir si no schier glich wit gsi wie afangs Wuche. Bevor



mir aber hei chönne afa plane, hei mir üs mitere Glace gsterkt. Näre heimier üs definitiv ufe Heiwäg gmacht u üs am Theater gwidmet. Mit üsem Problemauto simer ufde Rennpiste zrüg id Bäregg. Aber da nützt o z beschtä Auto nüt wemmer zweni Gschwindigkeit uf bouet. Da mir so na schwäri u wärtvöui Fracht glade hei, si mir 6 usgstiege u hei zerscht d Rahel u näre Resu luthaus agfüüret, wo si probiert hei d Backupiste düruf z fahre. Nach es paar Versüech hets Resu doch gschafft u mir hei wieder chönne istiege u der letscht Biz under d Räder nä. Ir Bäregg acho hei Melwin, Luca, Yana, Salome u Julia sich mitemne Pack Bilz ufe Wäg zum Tiebetseeli (Luca het nämlich z Trüebteseeli is Tibetseeli umtouft...) gmacht. Nachere Abchüelig im Wasser hei mir es Bilz gnosse u si schliesslich ab unger Duschi. Nachem letschte feine Znacht im KiBe isches definitiv ärnscht worde u mir hei üses super guet vorbereitete Theater ufgfüehrt. Wo jedi Gruppe fertig gsi isch himmer s Dessert gnosse u da isch no z eint oder angere us cho.

Zum Bispiu d Chuchiwisheit... „We öppis dinn isch wo nid dri sött, eifach rüehre“
(Zitat: Karin Wüthrich)

Iz gits definitiv am Ändi zue. Mit üsem Tourebricht u üsem letschte KiBe. Üsi ganz Gruppe „Müed aber Fit“ bedankt sich ganz härzlich für die super Wuchänä uf dr Bäregg.

Mir heis mega gnosse! Merci viu mau!

Melwin, Luca, Salome, Julia, Yana, Sjlia
00:23 Uhr / 29.07.2023 - Meh müed aus Fit



Fränzi
Karin, Martina, Marina, Aila, Moritz, Nico, Leandra

Turenpricht

Fr. 28.7.23

Karin hat uns am Morgen

Mit dem 'örgeki gewekt.

Dan sind wir aufgestanden.

Und haben Frühstück gegessen.

Dan haben wir die hütte geputzt.

Anschließend haben wir beim grasse-

n Stein ein Zwergenhaus gebaut.

Zum Mittag hat es Sandwich und
Resten gegeben.

Dan haben wir bei der hütte
ein Zwergenhaus gebaut.



KiBe Emmental

